



22. oktober 2020

Inatsisartut suleriaasiani § 37 imm. 1 malillugu matumuuna uku Naalackersuisunut apeqquteqaatigaakka.

Naalackersuisunut apeqquteqaat:

1. Naalackersuisut qallunaat naalagaaffiannut atassuteqarusuppa angallannermut inatsimmi immikkut ittumik saneqqutsisinnaanersoq imatut, nunaqarfinni asfaltimik qalligaanngitsunik aqqusinilinni biilini ingelatsisinnaanermut allagartaqarani ATV-nik ingelatsinissaq periarfissillugu?

Akissutip sukumiisumik tunngavilersorneqarnissaa kissaatigaarput.

2. Naalackersuisut pineqartumut attuumassuteqartunut allanik nalunaaruteqarsinnaappat?

(Demokraatit Inatsisartuni gruppiat)

Tunngavilersuut

Angallannermi inatsit suli qallunaat naalagaaffiata ataaniippoq, taamaattumilluuna, Nunatsinni angallannermi pissutsinut tulluuttuaannanngitsoq.

Soorlu assersuutigalugu ATV-nik ingelatsissagaanni ingelatsinermut allagartaqartariaqarpoq. Tassunga pissutaasorinarpoq, ATV-t, Qallunaat Nunaanni aqqusinikkut asfaltimik qalligaasutigut ingelarsarmata, biilitut isigineqartut. Tamanna paasinarpoq.

Ilisimaneqartutut pissutsit Nunatsinni allaanerupput. Nunaqarfinni amerlanerpaani asfaltimik qallikkanik aqqusineqanngilaq, ATV-llu nunap ilusaanut assartuutigissallugit pitsaasuupput. Taamaakkaluartorli biilini ingelatsisinnaanermut arlagartaqarnissaq piumasqaataavoq. Aammalu ilapattuutaalluni biilini ingelatsisinnaanermut allagartaq illoqarfinniinnaq pissarsiarineqarsinnaanera. Nunaqarfinni innuttaasunut akisoorujussuuvoq illoqarfiliarluni ingelatsinermut ilinniariartornissamut assigisaanullu.

Demokraatit Inatsisartuni gruppiata tamakku tunngavigalugit isummarsarsiatiallattut isigaa, Angallannermut inatsimmi imaasillugu immikkut ittumik saneqqutsisinnaaneq, nunaqarfinni asfaltimik qalligaanngitsunik aqqusinilinni ATV-mik ingelatsisoqarsinnaasoq biilernermet allagartaqarani.

Apeqquteqaatigisatsinut akissutissaq kissaatigaarput ullut suliffiusut qulit iluanni pissasoq.